

# Modimo Ke Toloko Ya Hae Ka Boyena

 Ntata rona ya Mahodimong, Lentswe le le leng le tswang ho Wena le ka bolela ho fetisang hohle hoo motho nakong efe a neng a ka ho etsa kapa ho ho bolela, hoba batho ba lebeletse ho bona Wena. Mme re a O leboha ka hobane ho ena le batho ba leng tlasa tebello, ba shebeletse ho hong ho etsahala. Mme ha batho ba nyoretswe ho hong, bodiba bo arabela Bodiba, ho loketse ho ba le Bodiba bo arabelang pitso eo. Mme ke ka baka leo re leng mona bosius bona, hoba ho no dutse pelong tsa baruti bana, le batho, ho re bokanya mmoho ho O kopa mohau le dihlolaholofalo, tumelong ya hore O tla fodisa bakudi le ho pholosa ba timetseng, le hore O tla bonahatsa Lentswe la Hao.

<sup>2</sup> Mme re a rapela, Ntata rona ya Mahodimong, hore O tle o re fe hona re sa O emela ka boikokobetso, bosiu ka morao ho bosiu. Ho ke ho be le e—e tsholohoh e kana ya Moya o Halalelang, mme a motho e mong le e mong a ke a foufale nthong e nngwe le e nngwe e mo potileng ka ntle ho Modimo. Ho ke ho be le sello se se kana ho tswa bathong ho nyorelweng Modimo, ho fihlela ho tlie tsoseletso hohle naheng mona mme kereke e nngwe le e nngwe e tletse batho, baetsadibe ba lla ho Modimo, bakeng sa mohau, le—le Moya o Halalelang o fodisa bakudi, ho tsamaisa ba omeletseng ditho, le ho tsosa bafu, le ho fana ka dintho tsena tse tshepisitsweng Lentsweng la Hao.

<sup>3</sup> Tloo, Morena Jesu, le ho tlatsa tshepiso ya Hao. Tloo ho rona bosius bona. Re a dumela e sale Wena maobane, kajeno, le ka ho sa feleng, hore ditshesepiso tsa Hao di ke ke tsa hloleha. Mahodimo le lefatshe di tla feta empa Lentswe la Hao le ke la hloleha. A kutlwisiso ya rona e ke e bulwe. A Moya o Halalelang o tle ho thea mobu o lokisitsweng. A kutlwisiso ya rona e bulehele Moya le matla a Modimo bosius bona, A tle a bonahatse Mantswe a Hae a tshepiso ka rona. Hoba re e kopa Lebitsong la Jesu. Amen.

<sup>4</sup> Jwale, bosius bona, ho lona ba elang mohlodithero hloko, a re phetleng Bibeleng Bukeng ya II ya Petrose, mme a re galeng ka temana ya 15, e le feela mokgweng wa ho bua ka Lengolo metsotsong e mmalwa.

*Mme ke tla pheella hore leha ke se ke tlohile le nne  
le be le se ka le hopotsang taba tseo.*

*Hobane ha se ka ho ya ka ditshomo tse entsweng ka  
mano re le tsebisitseng matla le ho tla ha Jesu Kreste  
Morena wa rona, empa e le kahobane re iponetse  
boholo ba hae ka mahlo a rona.*

5 Ke rata taba eo “ba iponetseng ka mahlo.” E seng ditshomo tse itseng. Re dipaki tsa taba tseo re buang ka tsona.

*Hobane enereha a fuwa hlompho le tlotsiso ke Modimo Ntate, mme mohla lenseswe le mo tlelang le etswa kganyeng e phahameng le re, Enwa ke mora wa ka ya ratwang, eo ke kgahliswang ke yena.*

*Le rona re ne re utlwe lenseswe leo ha le theoha lehodimong, re ntse re ena le yena thabeng e halalelang.*

*Hape re na le ditaba tsa boporofeta; tse tiisitsweng ka ho fetisia mme le tle etsa hantle ha le di ela hloko, jwaloka lebone le bonesitseng nqalong...lefifi, ho fihlela meso e ba e hlaha, mme naledi ya hosasa e tjhabela dipelong tsa lona:*

*Le tswe le se le dumela, hobane ha ho boporofeta lengolong bo hlahileng ka ho itthalosetsa ha motho.*

*Hobane esale, hobane boporofeta ha bo a ka ba tliswa ke ho rata ha motho: empa ke ka tshusumetso ya Moya o Halalelang motho ba halalelang ba Modimo ba buileng.*

6 Morena a ke a ekeletse ditlhohonolofatso tsa Hae palong ya Lentswe la Hae. Jwale, ke tla nka taba ena bakeng sa thero: *Modimo Ke Toloko Ya Hae Ka BoYena.*

7 Re phela tsatsing la pherekano. Re phela tsatsing leo monna le basadi ba batlang ba sa tsebe ba etseng. Ntho e nngwe le e nngwe, e—e eka e modubadubeng. Ntho e nngwe le e nngwe eka ho na le tsela tse ngata moo ho ka shebjwang. Ke Satane eo, ho etsa hono.

8 Jwale, Modimo o ke ke wa ahlola batho ka ho loka, hantle, ha ho se motheo o itseng oo A loketseng ho ba ahlola ka ona. Mme Bibele e bolela ha A tla ahlola batho ka Jesu Kreste, mme Jesu Kreste ke Lentswe. Ho Joanne, kgaolong ya I, E boletse:

*Lentswe le ne le le tshimolohong, mme Lentswe le ne le ho Modimo, mme Lentswe e ne e le Modimo.*

*Mme Lentswe le ne le etswe nama, la aha hara rona,...*

9 Jwale, sohle se re leng sona kajeno ke pepeso ya bokgetheho ba Hae. Ka ho Modimo...Pele Yena e ne e se Modimo, Modimo, re ka Mmitsa feela “Mohlolehi.” E ne e se Modimo, hobane lenseswe (lentswe la senyesamane) *Modimo* le bolela “tlotla e kgumamelwang” mme ho no se letho ho Mo kgumamela. Ka hona E ne e le Rabosafeleng, sona—sona Sediba se seholo sa bohlale bohole. Mme Sedibeng sena sa bohlale bohole ho ne ho se atomo, molekule, kapa letho, ho se lesedi kae feela, naledi, kgwedi, le letho hohle. Modimo, hoo re ho tsebang jwaloka Modimo, Moya o moholo o neng o hlola kahosa Feleng (ntle le qalo, a ke ke wa ba le qetelo), O ne a le

teng mono. Mme ka ho Yena ho ena le bokgetheho: e le bokgethehi ba ho ba Modimo, ya ntano ba bokgethehi ba Hae ho ba Ntate, bokgethehi ba ho ba Mora, bokgethehi ba ho ba Mmoloki, bokgethehi ba ho ba Mophekodi. Bokgetheho bona bohole bo le ka ho Yena. Mme jwale O...Dintho tsena tse phutholotsweng ho tloha mohlang oo ke bokgethehi ba Hae bo bonahatswang feels.

<sup>10</sup> Seo ke se bolelang, *bokgetheho*, e ne e le “mehopol” ya Hae. Mme e—e *lentswe* ke “mohopolo o senolwang.” Mme hoo he ho ne ho le monahanong wa Hae. Mme ha A na re, “A ho be le,” hoo ha eba teng. “A ho be le,” mme hoo ha eba teng.

<sup>11</sup> Mme jwale, hopolang, lona Bakreste le ne le le mehopolo ya Hae le pele lefatshe le eba teng. Mme lona le ponahatso ya mohopolo wa Hae. Le pele lefatshe le eba teng, le ne le le ka ho Kreste, (amen) ka ho Modimo tshimolohong. Hoo ho le etsa, le a bona, he, tjhaba sa Hae. Mme ntho yohle ke Modimo, ka boYena, ka ho Ipopa A tle a angwe, ho bonwa, le tse jwalo. Mme ke seo Modimo o leng sona, ntho yohle.

<sup>12</sup> Hape batho ba ye ba re, “Tlhaloso...” Ke ne ke bua kopanong nakong e seng kaalo ya ho feta mona, monna a re ho nna, a re, “Moena Branham, o tshwere tlhaloso e fosahetseng. Ha o e toloke hantle.”

<sup>13</sup> Jwale, re ye re utlwe...Ha ho uwa ho Methodise, ba re, “Baptise ha e toloke hantle.” Baptise e re, “Mapentekosta ha a kgone.” Pentekosta e bolela ho re, “Bo—bo Oneness ha e kgone.” Oneness e re, “Asemolise ha e kgone.” Mme e nngwe e bolela ha e nngwe e sa kgone.

<sup>14</sup> Modimo ke Toloko ya Hae ka boYena! Ha A hloke motho ho Mo tolokela. O Itolokela ka boYena. Ke mang motho ya ka tolokang Modimo? Modimo ke Toloko ya Hae ka boYena.

<sup>15</sup> Jwale, Petrose ha a bua mona, re fumana hore tshimolohong ha Modimo o no re, “Lesedi le be teng,” mme lesedi la eba teng, ke toloko ya yona eo. Ha Modimo o bolela taba efe feels, mme ya ntano bonahatswa, eba hoo ke botoloki ba Modimo ba hore Lentswe la Hae le nepahetse. Le a bona? Ha A ne a re, “Lesedi a le be teng,” ebile mohopalong wa Hae pele ho eba le ntho e kang lesedi. Ha A ne a re, “Lesedi a le be teng,” lesedi le ile la rutlolohela sebakeng, ke botoloki boo. Ha ho motho ya loketseng ho toloka hono, hoba Modimo o itsalo mme ke moo e ne e hlahile. Ha Modimo a bua mme e ntoo bonahatswa, boo ke botoloki ba Lentswe la Hae. Hobaneng motho a sa kgone ho bona taba eo? Hobaneng batho ba sa bone hono?

<sup>16</sup> Ha Modimo o etsa tshepiso mme Modimo o re...Moo—moo tshimolohong, ho Genese, O abetse mongwaha o mong le o mong Lentswe la Hae ho theoheng ha Lona jwalo ho tloha tshimolohong ho ya qetellong. Mme, ho theosa le mengwaha ena, kereke ya lefatshe e kopantse dintho tsena le meetlo, le tse

jwalo, mme Modimo kamehla o romela temeng, ho theosa le Testamente ya Kgale le e Ntjha, baporofeta! Mme Lentswe la Morena le tla ho moporofeta. Mme Le e sebetsa jwang? Hoo ho bonahatsa Lentswe la Modimo. Ponahatso ya Modimo, e bolelang hore e nepahetse kapa e phoso. Ha ho motho ya loketseng ho Le toloka, Lentswe le a Itoloka. Modimo o E tshepisitse mme ke eo e hlaha!

<sup>17</sup> Ho bua ntho e nngwe ka Lona ho thusang? (Ke motho ofe wa moetsadibe ya ka lekang ho bolela (haele moo Modimo a etsa tshepiso mme Modimo a ntoo e phetha) hore botoloki boo bo phoso? Ke Modimo ka boYena a Ítolokela, ho toloka. Ha A hloke motho ho Mo toloka, O Itolokela ka boYena ka ho phethahatsa seo A tshepisitseng hore O tla se etsa.

<sup>18</sup> Oho, hola feela kereke e ne e ka bona taba eo le ho bona ditshepiso tse abetsweng mongwaha o mong le o mong! Mengwaha e meng yohle, Modimo o ile wa romela temeng (esita le ho theosa ka mengwaha e supileng ya kereke) le ho bonahatsa ntho e nngwe le e nngwe eo A tshepisitseng ho e etsa. Ntho e nngwe le e nngwe, ha ho ntho le e nngwe e siilweng e sa etswa. Amaruri! Seo A boletseng hore o tla se etsa, O se entse.

<sup>19</sup> Hobo Modimo ha o no re, morao kwana ho Esaia, O boletse, "Morwetsana o tla emola," homme a emola. Jwale, ke mang—mang ya ka tolokang hono? Modimo o tolokile. O itse, "Morwetsana o tla emola," mme a emola. Jwale, o mang wena...o ke ke...Ha ho letho le ka bolelwang mabapi le hono, hoba Modimo o boletse ha a tla emola homme a ho etsa. Empa mohlang oo kereke keha e foulfetse haholo ho ka e bona. Le a bona, ba ne ba ena le mohopolo wa bona ka yona. Keha e fapohile haholo—haholo ho seo ba neng ba se lebeletse.

<sup>20</sup> Petrose mona o ne a lebisitse morao, o itse, "Modimo o bonahaditse Kreste ka Lentswe la Hae, O itse, 'Enwa ke Mora wa Ka.'" Badumedi bana ba ne baeme mono. Mme Kreste e ne e le ponahatso ya Modimo. Kamehla O bonahaditse Kreste ka Lentswe la Hae, hoba Kreste ke Lentswe. Kamehla O a bonahatsa.

<sup>21</sup> Ha A ne a re...Matsatsing a Noe, Kreste o ne a le e ka ho Noe. Na le dumela hoo? Noe o itse, "Pula e tla na. Pula e tla tla, lefatshe le tla timeletswa." Pula ya na. Hoo ho ne ho sa hloke toloko. Pula e ile ya na hoba Modimo ka ho Noe, o itse, "Pula e tla na." E ne e le moporofeta, mme bopaki e le hore seo a se boletseng sa etsahala. Ka baka leo ha ho hlokahale hore ba ka toloka hoo.

<sup>22</sup> Bang ba bona mohlomong, tikolohong yohle, ba ile ba re, "Monna enwa ha a tsebe seo a buang ka sona."

<sup>23</sup> Empa kamehla Modimo o tshepisitse, "Ha ho ena le motho wa moya hara lona, leha e le moporofeta, mme taba eo a e

bolelang e etsahala, e utlweng.” Ke nnete, hoba e nepahetse. E tshwanetse ho hlaha ho latela Lentswe. Mme Noe o ne a eme ho latela Lentswe. Ha a ne a porofeta hore pula e tla na, homme ya na. Ho ne ho sa hlokahale botoloki ba letho ba yona, hoba e entse hono hantle.

<sup>24</sup> Esaia o boletse, “Morwetsana o tla emola,” homme a ho etsa. Jwale, ruri hoo, e ne e le taba e sa tlwaeleheng. Hoba, le a bona, ebile dilemo tse makgolo-kgolo ka morao pele morwetsana enwa a ka emola.

<sup>25</sup> E ne e hlolla hond hoo monna ya lokileng ya bitswang Josefa, monna wa hae, “kaha e ne e le monna ya lokileng mme a sa batle ho mo hobosa pontsheng...” Monna eo ya lokileng matsatsing ao, kamoo ho bileng ka teng ka Josefa ha a ne a lebeleditse, a lebeleditse Maria.

<sup>26</sup> E le molebeletswa. Mehleng eo, ho roba hono, ho no tshwana feela le ho etsa bohlola. Mme, ehlile, ho Josefa, yaka hoja Maria a ne a leka ho mo sebedisa e le thibelo, kapa ho mo etsa setshireletso bakeng sa phoso ya hae, hoba ke mona o fumanwe a le mmeleng, a eso nyalwe, a sa lebeleditswe feela. Leqheka le kang leo, o na tla tlepetswa a ba shwe; ho ne ho loketse jwalo, ka molao.

<sup>27</sup> Mme Josefa, monna wa hae, e le monna ya lokileng, monna ya lokileng haholo. A dumela Modimo. Mme enereha a mo sheba ka mahlo ao a matle, a maholo a mosa, mme a re, “Josefa, Gabariele, Arekangeloi o nketetse mme a mpolella hore ke tla emola, ke eso tsebe monna.”

<sup>28</sup> Jwale, hola Josefa a shebile morao Lengolong, moporofeta o boletse hore o tla etsa jwalo! E ne e le Modimo feela a toloka Lentswe la Hae ka sebele! Le a bona? Empa e ne e hlolla haholo.

<sup>29</sup> Ke yona taba mogwaheng ofe kapa ofe. Lentswe la Modimo le ho sele le batho; Le hlolla haholo. Kamehla Modimo o etsa tse hlollang. Hoohole moo Modimo a leng teng ho a hlolla. Ho kgahlano le ditsamaiso tsa lefatshe, hoba ba nkile dintho ka tsela eo ba hopolang hore e tshwanetse ho ba ka yona. Empa Modimo o ye a tle mme a sebetse tse sa tlwaeleheng.

<sup>30</sup> “Morwetsana eo o ne a ka emola jwang?” A tshephahala, a batla Modimo mabapi le taba eno.

<sup>31</sup> Yaba Modimo o bua le yena torong, le ho re, “Josefa, mora Davida, o se tshabe ho inkela Maria mosadi wa hao, hoba se emotsweng ke yena ke sa Moya o Halalelang. Modimo o ile wa mo kgurumetsa. Ke hona ho entseng taba eo.”

<sup>32</sup> Le hlokometse kamoo Modimo o sebetsaneng le Josefa mono? Mokgweng wa bobedi, mokgweng wa toro. Jwale, re a tseba ho na le ditoro, re dumela ditorong. Ke dumela ditorong. Ha esale...Kamehla Modimo o nnile wa sebetsana le batho ditorong. Empa toro e maemong a bobedi, le a bona, e ka loka

kapa ya fosahala ntle le hore e hhaloswe. Empa o na sa hloke tlhaloso ya letho. E ne e le Modimo ka boYena a bua ka ho otloloha le Josefa, hoba ho ne ho se moporofeta naheng mehleng eo ho hhalosa. Ho hlokahetse moporofeta ka dilemo tse makgolo a mane. Ka baka leo taba e latelang e molemo, hore Modimo o tsoteletse ditaba—taba tsa mora wa Hae ka Sebele, e le ho bua le Josefa ka toro ho se tlhaloso. O ile a re, “Mosadi eo o nepile. Ho Halalelang Hoo ho emotsweng ka ho yena ke Mora Modimo.” Ho ne ho sa hloke botoloki ba letho.

<sup>33</sup> Modimo O Itolokela ka boYena pelong tse tshepehang, tse nang le nnete, banna le basadi ba shebang nthong—nthong tse hlollang, ha le tshepahala mme le ena le nnete mme le tla dumela, Modimo o na le mokgwa wa ho le tolokela yona. Pele, fumana hore ke tshepiso na. Hola Josefa a na kgutlele morao mme a suthe meetlong ya le ho kgutlela morao Bibeleng, le ho batla, Esaia o na boletse hore mosadi o tla etsa hono.

<sup>34</sup> Mme dintho tseo ho builweng ka tsona, le tswalo ya Hae, le ntho tsohle ka yona ho builwe ka tsona ke Mangolo, “ka baporofeta ba halalelang,” jwaloka ha Petrose a boletse. Mme ha ho motho ya nang le tokelo ya ho kenya botoloki ba hae mono. Ke hantle feela seo Modimo a boletseng hore se tla etsahala. E ne e le ponahatso ya Lentswe la Modimo le tshepisitsweng, tsatsing leo. Modimo o e buile, ka hona ke eo moo e neng e le teng. Hoo ho ne ho e phethile.

<sup>35</sup> Jesu o boletse... Ha A ne a le lefatsheng, ha ne ba sitwa ho utlwisia thuto ya Hae, o ne o phahame haholo, e le mohlolo haholo, (ba sa kgone), ho hlolla, ke batla ho rialo. Ba sa kgone ho Mo utlwisia. O ile a re, “Batlisang Mangolo!” (Ke a tshepa ha ke le kwale ditsebe ntle mono, ka ho kgarumella nthong eo.) “Batlisang Mangolo, hoba ho Wona le nahana ha le ena le Bophelo bo sa Feleng, athe ke Wona a Mpakang.” Le a bona? “Ke Wona a le bolellang hore Ke Mang.”

<sup>36</sup> Le a bona, Modimo o abile Lentswe. Tsatsing leo e ne e tshwanetse hoba ponahatso ya Modimo, Modimo (Emmanuele) o na le rona, “O tla bitswa Moeletsi, ya Makatsang, Kgosana ya Kgotsi, Modimo o Matla, Rabosafeleng. Mme Lebitso la Hae o tla bitswa *Emmanuele*, ‘Modimo o na le rona.’” Modimo o ne o le ka ho Davida. Modimo o ne o le ka ho Moshe. Modimo! Ke Modimo ho tswella jwalo ka ho Iponahatsa mongwaheng oo. Empa mongwaheng wona “Morwetsana o tla emola mme o tla tswala Mora, mme E tla ba Modimo o na le rona.”

<sup>37</sup> Ke yona taba eo ba Mo thakgisediteng yona, ka ho Iketsa Modimo, hape le ka ho tlola Sabbatha. E ne e le—E ne e le Modimo ya ka hodima Sabbatha, mme E le Modimo. Homme E ne e se monna ya tlwaelehileng feela kapa moporofeta ya tlwaelehileng (feel a E le Monna ya tlwaelehileng le Moporofeta), empa E le Modimo-Moporofeta. Mme E le

phethahatso ya Lentswe, hantle seo Modimo o boletseng hore O tla se etsa. Ha thwe, “Ke mang wa lona ya ka Nkahlolang ka sebe? Batlisisang Mangolo! Ho Wona le nahana ha le ena le Bophelo bo sa Feleng, athe ke wona a Mpakang.” Empa meetlo ya bona, ba ne ba phela lereding la mongwaha o mong.

<sup>38</sup> Jwaloka ha ke ne ke rera bekeng tse mmalwa tsa ho feta, “*Ho phela lereding.*” *Leredi* ke “diphalana,” ha letsatsi le ikgadimisa ka bolona, mme le fosahetse. Mme leredi lefe la mongwaha o fetileng ke phatsimo e fosahetseng. Kamehla batho ba tsamaya nthong e etsahetseng dilemong tse fetileng. MaLuthere a tsamaya lereding la Luthere. Mahlasedi a Luthere a na lokile tshiung tsa hae; Wesele o na lokile tsatsing la hae; Bapentekosta ba ne ba lokile tsatsing la bona. Re nyoloha ka lere, re phela mongwaheng o mong! Re tswela pele, pele, re ke ke ra besale re sheba morao.

<sup>39</sup> Ha re ithea hodima dintho, re nahana ha re e radile ka hohle, re thatella ka meetlo ya rona; mme hoo ho ne ho lokile bakeng sa letsatsi leo, empa re tswa tema! Batlisisang Mangolo mme le bone se tshepisitsweng bakeng sa kajeno, eba re tla tseba moo re leng teng, eba re ka bolela moo re emeng.

<sup>40</sup> Luthere; le ka sheba Lengolong mme la bona hobane ka—ka mongwaheng ono wa Sardise, le ka bona hantle se neng se tshepisitswe. Bonang ke mopalam wa mofuta ofe ya tswileng, bonang ho tswile eng ho kgahlana le yena, hantle, “hlalefo ya motho,” ntjhafatso. Hlokomelang Wesele, le jwalo-jwalo. Mme la theohela mongwaheng wa Pentekosta, le ho theosa jwalo ka mongwaha oo, bonang kamoo le tsamaileng. Shebang Mangolo mme le bone moo re leng teng. Ke ka hona Jesu a itseng, “Batlisisang Mangolo!”

<sup>41</sup> Bonang moo re leng teng! Ke dumela re ho Tleng ha Mora Modimo hantle jwale. Ke dumela re mongwaheng wa—wa hora eo A ka hlahang neng kapa neng. Ke dumela Mangolo a bolela taba eo, hore re dihoreng tsa ho qetela tsa pale ya lefatshe lena. Nka kgona ho bona kamoo dintho di bopehang ka teng. Ho bona ha Lekgotla lena la Dikereke le tataisetsa dikereke ka hara lona, ka hara Letshwao la Sebata. Le ho bona Mmuso wa Roma ekasita le seo ba se etsang, le ba bang bohle. Ho ba bona ba kopana hammoho, ho kwalla Lesedi ka ntle, ho kwalla Evangedi. Motho ka mong o tla lokela ho tsamaya maseding a bona kapa o ke ke wa tsamaya ho hang. Le a bona, re nakong ya qetelo. Ha ho letho le re saletseng haese ho itshwarella ho Modimo le ho dumela Lentswe la Hae. Kamehla Lentswe le lokile.

<sup>42</sup> Mongwaha wa kereke ya Laodisea, e ne e le wona feela mongwaha, ho e meng yohle, moo Kreste a neng a ntsheditswe ka ntle ho kereke. O ne a le ka ntle, a kokota. Ha etsahala’ng? Lekgotla lena la Kereke ke lona le tla Mo ntshetsa ntle. Bibele

e boletse hore O tla be a le ka ntle mono, mme O mono. Le kwalla eng? Lentswe. Mme Yena ke Lentswe, haesale E le Lentswe, mme bosius bona E sa le Lentswe! Ke Lentswe.

<sup>43</sup> Bibebe e boletse, “Lentswe le bohale, le matla ho feta Sabole e leoditsweng ka nnqa tse bobedi,” Baheberu, kgaolo ya 4, “le ahlolma maikutlo le mehopolo ya pelo.” Lentswe le ne le le ka mokgwa oo! Ba loketse ba be ba tsebile hore E ne e le Mang ha Jesu a na rialo tsatsing leo.

<sup>44</sup> Hlokamelang seo A se entseng. Tsatsi le leng O na eme mono, qalong tshimolohong ya thuto ya Hae. Ha eba le monna ya tllang ho Yena, ka lebitso la Simone, Simone Petrose. Mme yareha Petrose a Mo sheba le—le ho Mmona, Jesu a re ho yena, “Lebitso la hao o Simone mme o mora Jonase.” (O tshwanetse a ba tsebile ha Moshe a boletse, “Morena Modimo wa lona o tla hlahisa Moporofeta ya jwaloka nna, le utlwé Yena.”) Homme ke mona ho ne ho ena le monna ya neng a eso ka a mmona bophelong ba hae, a re, “Lebitso la hao o Simone mme o mora Jonase.” Kgidi, a tseba hantle hona moo e ke se hhole e-ba... Ba ne ba hlokile moporofeta ka dilemo tse makgolo, mme ke mona ho ne ho ena le monna ya mmolellang e ne e le mang. Ha ho makatse ha a ne a ka kgona ho e amohela!

<sup>45</sup> Fillipi, nakong eo, a tloha—a tloha mme a fumana Nathanaele tlasa sefate, mme a mo kgutlisetsa ho Jesu. Jesu a re, “Bonang mo-Iseraele eo ho seng mano ho yena.”

A re, “Moruti, O ntsebile neneng?”

<sup>46</sup> A re, “Pele Fillipi a o bitsa, o sa le tlasa sefate, Ke o bone.”

<sup>47</sup> A re, “Moruti, O Mora Modimo! O Morena wa Iseraele.” A tseba e ne e le yona! Eng? E ne e sa hloke toloko ya letho, Jehova o na boletse taba eo!

<sup>48</sup> Ho ne ho eme teng ba neng ba sa e dumele. Ba re, “Monna enwa ke Belsebule. O na le—O na le maqiti a itseng ao A etsang. Ke—Ke senohe, kapa ho hong.”

<sup>49</sup> Jesu a ba tadima, le ho re, “Kgidi, ha le bua taba eo kgahlano le Mora Motho, le tla ho tshwarelwa. Empa mohla Moya o Halalelang o tllang ho etsa ntho yona eo, ho bua kgahlano le Yona, le ke ke la tshwarelwa hona, lefatsheng lena leha e le lefatsheng le tllang.” E ne e le ha A porofeta ka letsatsi la rona, tsatsi leo re tlamehileng ho bona. Hoba ke Yena maobane, kajeno, le ka ho sa feleng.

Hopolang, e ne e le Jesu Kreste ya neng a le ka ho Moshe.

<sup>50</sup> E ne e le Jesu Kreste ya neng a le ka ho Davida. Ha Davida, mora wa... Davida o na nyolohela thabeng, morena ya lahlilweng, mme a llela Jerusalema, hoo e ne e se letho hdese Kreste ka ho yena. Hoba dilemong tse ka bang makgolo a robedi tse latelang, Mora Davida a dula hodima Thaba ya Mehlware le ho sheba tlase hodima Jerusalema le ho lla, ka ho

re, "Jerusalema, Jerusalema, Ke ratile ha kaeho o bokanyetsa jwalokaha kgoho e bokanyetsa ditsuonyana tsa yona, empa o hanne!"

<sup>51</sup> Ha Josefa a ne a le teronkong, e ne e le Jesu. Ha a ne a rekiswa ka silifera tse ka bang mashome a mararo, eo e ne e le Jesu. Ha a ne a bewa letsoho la Potifaro, e ne e le Jesu. Ha a na dutse letsohong le letona la Faro. Mme ha a ne a tsamaya, motho e mong le e mong...ha terompeta e letsya, mme e mong le e mong a lokela ho kgumama ka lengole, eo e ne e le Jesu. Ho se motho ya ka tlang ho Faro haese ka—ka Josefa; ha ho motho ya ka tlang ka Modimo, ke ka Jesu feela. E ne e le Jesu, Lentswe le porofetilweng le phethahaditsweng, le boletsweng ka diriti le ditshwantsho.

<sup>52</sup> Jesu ha a na le lefatsheng mona, o entse yona ntho eo baporofeta ba e entseng, ke ka hona ba tsebileng hore E ne e le ponahatso ya Modimo ya Lentswe la Hae. E ne e sa hloke toloko ya letho.

<sup>53</sup> Yare ha Nathanaele a bona sena, a itihela fatshe, a re, "O Morena wa Iseraele, Mora Modimo, Morena wa Iseraele. Re a O tseba, ha ho motho ya neng a ka etsa hona."

<sup>54</sup> Nikodema a tla bosiu, a bolela yona ntho eo bakeng sa Bafarisi. Empa le a bona, ba ne ba hokeletswe hona Lekgotleng la bona la Dikereke hona ba sitwa ke ho E amohela. A hlakisa seo ba se boletseng, a re, "Moruti re..." Ke mang "re,"? Lekgotla la bona! "Re a tseba hoba O Moruti ya tswang ho Modimo, hoba ha ho motho ya ka etsang dintho tsena ha Modimo o se ho Yena." Ba ile ba E elellwa, ba tsebile E ne e le yona, empa ba ne ba tlameletswe ho lona haholo.

<sup>55</sup> Mme Modimo, dilemong tse fetileng tse mashome a mane, O sisintse setjhaba sena ka kolobetso ya Moya o Halalelang, mme monna le basadi ba ka ntle Wona hoba ba tlameletswe nthong e tshwanang, ka ho phela lereding la tsatsi le leng. Molato ke'ng? E mong le e mong o batla ho ba moMethodise, Baptise, Presbeteriene, Luthere, kapa ho hong. Le a bona, ke leredi.

<sup>56</sup> Ba ne ba phela lereding la tsatsi la Moshe. O ile a reng? A re...Ba re, "Rona re barutuwa ba Moshe."

<sup>57</sup> A re, "Ha le ne le tsebile Moshe, le ka be le Ntsebile. Moshe o ngodile ka Nna!"

<sup>58</sup> Ha le ne le tsebile Luthere, le ka be le tsebile mongwaha wona! Ha le ne tsebile Methodise, le ka be le tseba mongwaha wona! Hoba Kreste o ngodile ka mongwaha wona! Mantswe a phethahalang a loketse ho phethahatswa mongwaheng wona. Ha E hloke motho ho E toloka, Modimo O toloka ka boYena. Modimo o toloka ka boYena, hobane ke Yena feela ya ka Le tolokang. Kamehla ditshepiso tsa Modimo di netefatsa seo A se boletseng, mme ke yona botoloki boo.

<sup>59</sup> Jwale, Jesu (ho boloka nako), Jesu o boletse ho Mohal. Johanne, kgaolong ya 14, temaneng ya 12, “Ya dumelang ho Nna, mesebetsi eo Ke etsang o tla e etsa le yena.” Na O e boletse? Ho jwalo. Hoo ha ho hloke toloko ya letho. Ha motho e mong a etsa tshebetso eo, ke Modimo. Amaruri!

<sup>60</sup> Hape O boletse ka mono, “Jwaloka matsatsing a Lota, ho tla ba jwalo ho tleng ha Mora motho.” Jesu o itsalo. Na O e boletse? Amaruri, O e boletse! Hoo ha ho hloke toloko ya letho.

Ba ka re, “Be, hoo ho ne ho bolela . . .”

<sup>61</sup> E ne e bolela hantle feela seo A se boletseng! “Jwaloka matsatsing a Lota, ho tla ba jwalo ho tleng ha Mora motho.” Ho ka thweng ka mehla ya Lota? A re kgutleleng morao motsotso feela, ho fumana seo ba neng ba se etsa.

<sup>62</sup> Ho ne ho ena le dihlopha tse tharo tsa batho mehleng ya Lota: modumedi, moikaketsi, le mosadumeleng. Hoo ho sehlopheng se seng le se seng, ntho e tshwanang.

Re fumana hore Basodoma e ne e le mosadumeleng.

Lota e ne e le moikaketsi.

<sup>63</sup> Abrahama e ne e le modumedi. Ke yena eo selekane se ileng sa tiisetswa yena. Ke yena ya neng a lebeletse mora wa tshepiso. Ke yena ya neng a e lebeletse. Amen. (Ha ke “amene” ka bonna.) *Amen* e bolela “Ho be jwalo!” Mme ho lokile. Abrahama o ne a se Sodoma. Abrahama o ne a le hodimo le ka ntle ho Sodoma. Ke yena papiso ya Kereke ya semoya kajeno.

<sup>64</sup> Lota e le papiso ya kereke ya mokgatlo e sa leng tlase Sodoma. Hlokamelang, Bibele e boletse ho re, “Dibe tsa Sodoma di ne di sotla moyo wa hae o lokileng letsatsi le letsatsi.” Hobaneng a ne a se na sebete se lekaneng ho ema kgahlano le sona? Ho na le banna ba bangata ba lokileng ba dutsgeng ka kerekeng kajeno, ba shebang ka ntle mme ba bona basadi ba apereng marikgwae a makgutshwane le banna ba etsang dintho tsena, mme ditho tsa bona di tlohe, ho bapala kolofo ka Sontaha, le meketjana ya pikiniki, le ho tola le dintho, ho ena le ho ya kerekeng. Ho dula hae Laboraro bosiu, ho shebella thelebishene ho ena le ho ya kerekeng. Ba batla ho bua ho hong ka hono, empa lekgotla le tla ba ntsha. Molato ke’ng? Ke Lota hape, a shebile ka fensetere ya hae mme a bona sebe homme a tshaba ho bitsa sebe “sebe”!

<sup>65</sup> Abrahama o ne a se ditshileng tsa bona, o ne a le ka ntle ho tsona. E ne e le papiso ya Kereke ya semoya. Hlokamelang jwale ha etsahalang feela nakong ya qetelo, pejana feela mollo o tsholoha. Mme bao e ne e le Baditjhaba. E ne e le seriti sa mollo o tsholohelang hodima lefatshe la Baditjhaba kajeno, mohla mebuso e thuhakangwang mme ba e tla tjheswa. “Mahodimo a tla tuka.” ho itsalo Morena, “mme a tukiswa ke mollo o qhibidisang.” Seo e ne e le seriti sa lona.

<sup>66</sup> A re lekanyeng ka bona. Abrahama ke enwa o sa le ka ntle, e seng ka hara Sodoma, o ne a le ka ntle ho Sodoma. Lota a sa le ka hara Sodoma.

<sup>67</sup> Ntho e makatsang, hoseng ho hong ho tjhesang, ha nako e batlile ho ba hora ya leshome le motso o mong ho loketse ho bo no le jwalo, a bona monna ba bararo ba etla, monna ya tlwaelehileng, ho theosa ka tsela, tselaneng. Abrahama o na dutse tlasa eike, a iphomoletse. A na tswile, hoseng hoo mohlomong le mehlape, a kena, e se e batla ho ba motsheare o moholo. Mme a bona monna ba bararo ba etla. Mme ho ne ho ena le ho hong ka monna bao, se ileng sa letsa lekodilo. Oho, kgidi!

<sup>68</sup> Kamehla ho na le se seng ka Modimo, ha E kena pakeng tsa batho, E letsa lekodilo. Ba ya E tseba. Ho na le ntho e ba bolellang, ho na le netefatso mono.

<sup>69</sup> Abrahama a titima kapele, mme a re, "Morena ka, fapohela kwano mme a nke ke fumane metsana, mme ke hlatswe maoto a Hao, mme ke O phomosetse ka sengwathana sa bohobe, mme O ntano tswela pele leetong la Hao." Ka hona A fapohela ka thoko. A matha a kena mohlapeng mme a tshwara namame a e hlaba, a laela mohlanka ho e lokisa. A kena tenteng, tlase ho yena, a laela Sara ho duba phofshwana, ho etsa nthwana, kapa phofo ya eng, ho duba bohojana, le ho pheha dikuku tse itseng leifong. A di tlisa a tshola. Ya re a sa dutse mono, a ej, ba qala ba hlokomela, Monna enwa a nna a sheba tlase nqa Sodoma. Mme A re . . .

<sup>70</sup> Ba babedi ba bona, le a hopola, ba theohela Sodoma. Ba babedi ba ya Sodoma. Le se fose taba ena hle. Ke lebisitse ho seo Jesu a se boletseng. Ba babedi ba bona ba ya Sodoma ho ya ntsha Lota le ho neng ho loketse ho ntshwa tlase mono. Mme bobedi boo bo ileng tlase moo, ba theoha mme ba rera. (Mme ha eba le e Mong ya salang le Abrahama ka morao, hlokomelang pontsho eo A e entseng.) Ba ile ba fumana pontsho tlase mono, ho ne ho ena le . . . Basodoma ba otlwa ka bofofu. Thero ya Evangedi e a foufatsa kamehla ho moetsadibe. Mme hlokomelang ho entswe ke eng.

<sup>71</sup> Jwale, ho na le e Mong ya emeng morao mona, le ho etsa pontsho ka pela Abrahama.

<sup>72</sup> Jwale na le hlokometse le ka mohla, mohistori e mong le e mong, latela Mangolo, latela histori, ha ho so be le nako mengwaheng ya dikereke moo monna a kileng a ya dikerekeng tsa maipolelo a molomo ka ntle mono lefatsheng, ka ntle ka mono mekgatlong ya dikereke, ha ho so be le monna eo lebitso la hae le qetellang jwaloka Abraham, h-a-m, pele. Empa kajeno ba na le e mong, G-r-a-h-a-m. Ho nepahetse. E leng ya theohetseng tlaseng tlase mono, a ba bitsetsa ka ntle. O etsa

mosebetsi o kgabane ka yona. Graham, Billy Graham, mohlanka wa Modimo ntle mono ka hara mekgatlo ya dikereke, boradipolotiki, le ba jwalo, o a di pshatla.

<sup>73</sup> Tsatsi le leng ha ba ne ba batla hore e be nkgetheng wa bopresidente, a e hana-hanang. Modimo, o mo hlohonolofatse ka hona. Kgidi, dikhampani tseo tsa wiskhi, o na sa tlo fihla le kgatong ya pele ka mokgwa wa teng. Ba ne ba tla sebedisa dibilione tsa didolara, hoba o na tla di ntsha le hona, dikhampani tseo tsa sakrete le dintho tse kang tseo. Le a bona, o ka ntle ka mono jwaloka mohlanka wa Modimo ho Basodoma. Ke hantle.

<sup>74</sup> Empa hopolang, ha eba le e Mong ya setseng morao kwana le Abrahama, Monna e mong, e sang ba babedi ba theohetseng tlase mane jwaloka ka baboledi ba mehla ya jwale ba theohetseng mono ho rera. Hlokamelang ha eba le e Mong ya setseng hodimo kwana. Ba babedi ba theohela tlase lehlakoreng *lane*, mme e Mong a sala *mona* le Abrahama. Mme Ya setseng le Abrahama o mo fa pontsho.

<sup>75</sup> Jwale hlokamelang, lebitso la hae e ne ntse le “Abram” mme mosadi wa hae e le “Sarai,” letsatsi kapa a mabedi pele ho moo. Modimo wa hlaha ho yena le ho mmolella, “Ke fetolela lebitso la hao jwale ho tswa ho Abram ho ya ho Abraham.” (Le a bona, G-r-a-h-a-m ke ditlhaku tse tshelela, motho.) Empa A-b-r-a-h-a-m ke tse supileng, ditlhaku tse supileng; h-a-m, ka ho qetella ka h-a-m.

<sup>76</sup> Jwale, hodimo mona Kerekeng ya semoya, ha eba le e Mong hodimo mono ho Abrahama, mme hlokamelang seo A se boletseng. O ile a re, “Abraham,” (e sang “Abram”) “Abraham, mosadi wa hao o kae” (e sang “S-a-r-r-a”) “S-a-r-a-h, Mosadi wa hao Sarah o kae?”

<sup>77</sup> Hlokamelang seo a se buileng, “O ka tenteng ka mora Hao.”

<sup>78</sup> Mme A re, “Ke tla o etela. Ke tla o etela.” Le bona leemedi leo la botho, yena Eo, ho latela tshepiso eo A e entseng. E ne e le Modimo! O ile a re, “Ke tla o etela.”

<sup>79</sup> Mme Sarah, (ka mokgwa oo rona bohole re ka utlwisisang) a tshehela ka marameng, a itshehela, a re, “Nna, ke le mosadimoholo, dilemong tse lekgolo, morena wa ka” (eo e ne e le Abrahama) “o se a tsofetse le yena, o fetile nako ya bophelo jwaloka batho ba batjha.” Ha thwe, “Kgidi, re ke ke ra ba le menyaka e jwalo hape, ke tsofetse, le yena o tsofetse.” Mme a re, “Re ne re ke ke ra fumana hono.” Mme a re, “Ho ka tla jwang? Dintho tsena di ke ke tsa etsahala!”

<sup>80</sup> Mme e-e Monna (Modimo nameng ya motho) a re, “Hobaneng Sarah a tshehile mme a belaela, a bolela dintho tsena?” Ka tenteng, ka mora Hae.

<sup>81</sup> Jwale hlokombelang, na eo ha se thuto e kang eo Jesu Kreste a bileng le wona! A sheba kwana ntle hodima letshwele le ho tseba mohopolo wa bona. A bolella Petrose e ne e le mang le hore lebitso la ntatae ne e le mang. A bolella Nathanaele.

<sup>82</sup> A bolella mosadi sedibeng, ha a ne a re...A re, “Mphe metsi,” kapa “Ntlistetse metsi.”

<sup>83</sup> A re, “Monghadi ha O a tshwanela ho bua le...lona baJode ho bua le baSamaria. Ha re na kamano e mong ho e mong.”

<sup>84</sup> A re, “Ha o ne o tsebile ke Mang ya buang le wena, o ka be o Nkopile metsi.” Moqoqo wa tswela pele. A re, “Eya lata monna wa hao mme le tle kwano.”

A re, “Ha ke na monna.”

A re, “O boletse teng, hoba o bile le ba bahlano.”

A re, “Monghadi!”

<sup>85</sup> Bonang phapang pakeng tsa eo le bona—le baprista ba tsatsi leo, lekgotla leo le neng le phela lereding la tsatsi le leng. Ba ile ba re, “Enwa ke Diabolosi!” Ba ne ba hlokela phutheho tsa bona karabo ntho e itseng, hoba e ne e hloka hono.

<sup>86</sup> Empa mosajana eo wa batho a etsang, Peo eo e reretsweng pele e robetse pelong ya hae...O ne a kgathetse a kula ke dintho tseo, o ne a kene diterateng jwaloka sehlola. Empa yareha a bona Hono, a re, “Monghadi ke a bona hobane O Moporofeta. Re hlokile e mong ka dilemo tse makgolo a mane, re bolellwa hore Messia mohla a tl Lang ke tsona tseo A tla di etsa.” Oho, kgele! Peo eo e robetseng moo, ya hlasimolohela bophelong! Hobaneng? E ne e sa hloke toloko ya letho.

<sup>87</sup> Jesu a re, “Ke Nna ya buang le wena.” Hoo ho ne ho sa hloke toloko. O ne a entse mohlolo le ho paka hore E ne e le Messia eo, amen, mme ha paka hantle seo Modimo a neng a se tshepisitse (“Morena Modimo wa lona o tla le lhahisetsa Moporofeta ya jwaloka nna,” Moshe o itsalo.) E ne e le eng? Netefatso ya Lengolo!

<sup>88</sup> A matha a kena motseng, mme a re, “Tlooong, le bone Monna Ya mpoleletseng dintho tseo ke di entseng. Na ha se Yena Kreste? Na ha se Yena? O mpoleletse tseo ke di entseng.”

<sup>89</sup> Jwale hlokombelang, Jesu, e ne e le Yena hodimo kwana ka hara Monna eo ya neng a furaladitse tente mokokotlo wa Hae le ho bolela seo Sarah a neng a se nahanne ka tenteng.

<sup>90</sup> Lentswe la Modimo le re, ho Baheberu, kgaolong ya 4, hore...O bolela taba ena, “Lentswela Modimo le matla le ho fetisa sabole e leoditsweng ka nqa tse pedi, mme le a hlaba le kene manonyellong le mokong, mme le ahlolaa maikutlo le mehopolo ya pelo.” Ke Lentswe! Mme nako le nako ha moperofeta a ne a fihla, o tla ka Lentswe, mme e ne e le Lentswe bakeng sa mongwaha oo. Mme ho ile ha etsang? Moporofeti ya ahlotsgeng maikutlo a neng a le pelong.

<sup>91</sup> E sebeditse jwalo ka ho Jesu Kreste hoba E ne e le botlalo ba Lentswe.

<sup>92</sup> Mme Jesu a re, “Jwaloka mehleng ya Sodoma, ho tla ba jwalo ho tleng ha Mora motho.” Moya wa Modimo o tla fihla hodima lefatshe ka sebopoho sa batho, Modimo o bonahaditsweng nameng ya motho (Amen! Le a e bona?) le ho sebetsa yona ntho eo Modimo a e entseng nameng ya motho Sodoma. Hopolang, ba ne ba lebeletse mora wa tshepiso. Mme, hantle ka morao ho moo, mora tshepiso a fihla. Ebile pontsho ya ho qetela eo Sodoma le sehlopha sa Abrahama ba e boneng pele mora wa tshepiso a fihla. Na le hlokometse hono? Mme jwale Kereke ya semoya e fihlike horeng eo.

<sup>93</sup> Motho e mong o ne a re, “Moena Branham, na o itse ‘eo e ne e le Modimo?’”

<sup>94</sup> Bibebe e boletse, E ne e le Modimo! Ha e hloke toloko ya letho. Ke Elohim. Ke seo Abrahama a Mo bitsitseng sona. Mmadi ofe kapa ofe wa Bibebe o tseba hono. *Elohim*, “Ya ruileng bokgoni bohole.” E ne e le wa Pele, wa Morao; Qalo, Qetelo. Elohim! Abrahama o Mo reile “Elohim.” Modimo (ka ditlhaku tse kgolo Seheberung), Elohim; jwalo feela ka tshimolohong, “Modimo,” Elohim.

<sup>95</sup> E ne e le Elohim ya bonahaditsweng nameng ya motho, ka ho apara diaparo tsa motho, a ejal dijo tsa batho. Amen! Pontsho ya hore matsatsing a qetelo Modimo o tla hlaha hape hara batho nameng ya motho! Amen! Jesu o boletse, “Mesebetsi eo Ke e etsang le tla e etsa le lona. Jwaloka matsatsing a Sodoma, ho tla ba jwalo ho tleng ha Mora motho.” Amen! Hoo ha ho hloke toloko ya letho; ho hloka ho bonahatswa, ke sona seo ho se hlokang. Amen. Na le dumela hoo?

A re inamiseng dihloho tsa rona:

<sup>96</sup> Ntata rona ya Mahodimong, re O fa tshepiso ya Hao bosiusng bona hore O boletse dintho tsena. O di tshepisitse. Ha ho motho ya ka phedisang Lentswe la Hao ha e se Wena. O itse, “Lesedi a le be teng,” mme lesedi la eba teng. Ha ho motho ya loketseng ho toloka hono, ho ile ha bonahatswa.

<sup>97</sup> Jwaloka ha re qotsitse Esaia, moporofeta, “Morwetsana o tla emola,” mme o ho entse; ha e hloke ponahatso ya letho, o e entse. Ke sona se ileng sa etsahala.

<sup>98</sup> O boletse, hore ha A etla O tla tswallwa Bethlehema, “Ho tswa Bethlehema wa Judea. Na ha o e monyenyanne hara kgosana tsohle tsa Juda, tsa Israele? Empa ho wena ho tla hlaha Mmusi wa setjhaba sa Ka.”

<sup>99</sup> Dintho tseo A tleng ho di etsa, seo A neng a tla se meketsa sefapanong, kamoo A neng a tla ahlolwa ka teng, ho hlajwe maoto a Hae le matsoho a Hae; “Athe o hlabetswa dibe tsa

rona, a tetekwa ka baka la makgopo a rona; kotlo e re tlisetsang kgotso e Mo wetse hodimo; mme re fodisitswe ka maqeba a Hae.”

<sup>100</sup> Kamoo Davida o boletseng, “Nke ke ka tlohela moyo wa Hae nqalong ya bafu, Nke ka tlohela Mokgethwa wa Ka ho re A bone ho bola.” Mme ka letsatsi la boraro, pele ho fihla dihora tse mashome a supileng a metso e mebedi ho bodisa mmele wa Hae, Lentswe la Modimo le itse, “O tla tsoha.” (Ha thwe ba utswitse setopo sa Hae ba se tlosa; ba sa e dumela le jwale.) Empa re dumela, Morena, Lentswe la Hao! E bonahaditswe. Jesu Kreste o tsohile mme O boletse, “Ke tla... Bonang, Ke na le lona kamehla, ho isa dipheletsong tsa lefatshe.”

<sup>101</sup> Re dumela ha O le teng mona bosius. Re dumela O sa le Jesu Kreste hakaalo feela bosius bona, mona, jwaloka ha O bile le ka mohla. Mme O mpa o batlana le mahlo, matsoho, meomo, molomo, meye, mebele, eo O ka e sebedisetsang ho Iponahatsa. Modimo, re halaletse bosius bona, re tle re bone Jesu Kreste ya phelang a phela hara rona. A ke a tle! Mme ho tla hlaha, jwaloka tlala ya Bagerike bao ba tlileng tsatsing leo, mme ba re, “Mongahadi, re batla ho bona Jesu.” Mme ba kgona ho Mmona. Kgele, e loketse ebe-ebile thabo e kakang ha ba ne ba Mo tadima!

<sup>102</sup> Modimo, esale Wena kajeno. Mme O tshepisitse hore ha re ka lapa ebe re ka O bona. “Ho se ho se hokae, mme lefatshe le ke ke la hlola le Mpona” (mosadumeleng); “empa leha ho le jwalo lona le tla Mpona, hoba Ke tla ba le lona, le ho ba ka ho lona, ho isa pheletsong ya lefatshe.” Re a tseba esale Wena maobane, kajeno, le ka ho sa feleng.

<sup>103</sup> Morena, Mantswe a boletswe, a se a ngotswe, jwale ho ke ho etswe, bakeng sa Kganya ya Modimo, ho bontsha hore O boloka Lentswe la Hae. Amen. Modimo a le hlohonolofatse.

<sup>104</sup> Ke tla bitsa mola wa ho rapellwa. Ke kgolwa ha Billy a boletse hore o ntshitse ditlankana tsa ho rapellwa, nngwe ho isa ho lekgolo, kapa ntho e nngwe e kang eo. Ha a yo mona hona jwale. Na...Ke palo efe ya setlankana sa ho rapellwa...Motho a shebe ka morao ho...Ho tla—ho tla ba le palo tlhaku (A,B,C,D, kapa...). Ke eng, A? Ho lokile.

<sup>105</sup> A re nkeng A, palo ya nngwe, pedi, tharo, nne, hlano. Qalang feela le eme ka mokgwa wona. A, palo ya nngwe, palo ya bobedi, palo ya boraro, palo ya bone. Nne, ha ke a bona e phahama. Setlankana sa palo ya bone. Nngwe, pedi, tharo. Sa ho rapellwa...Mohlomong ha ba kgone ho ema. Ha ba sa kgone, motho e mong a shebe setlankana sa motho ya bapileng le yena, mohlomong o na le setlankana mme ha a kgone ho ema. Ka potlako jwale. Ke eo moo e leng teng he, nne. Hlano, setlankana sa ho rapellwa sa palo ya bohlano. Tshelela, supa,

robedi, robong, leshome, leshome le motso, leshome le metso e mebedi. Qalang feela le nyolohe jwale dipalo tsa lona di sa bitswa. Palo ya nngwe, pedi, tharo, tsamaelang hantle lehlakoreng lena. Setlankana sa ho rapellwa sa palo ya nngwe, pedi, tharo, nne, hlano, tshelela, supa, robedi, robong, leshome, leshome le motso, emang dibakeng tsa lona feela. Leshome le motso, leshome le metso e mebedi, leshome le metso e meraro, leshome le metso e mene, leshome le metso e mehlano, leshome le metso e tsheletseng, leshome le metso e supileng, leshome le metso e robedi, leshome le metso e robong, mashome a mabedi, mashome a mabedi le motso e le mong, mashome a mabedi a metso e mehlan, mashome a mabedi a metso e mene, mashome a mabedi a metso e mehlan. Na ho na le motho ya sa kgoneng . . .

<sup>106</sup> Ke bona mohlankanya setulong se tsamayang morao mane. Ha palo ya hao e bitsitswe, mora, mme—mme ha o sa kgone . . . tjhe, phahamisa feela letsoho la hao, re tla hlokomela hore o tle kwano. Le a bona?

<sup>107</sup> Ke ba bakae ka mona ba se nang setlankana sa ho rapellwa o mpa o kula? A re le boneng ha le phahamisa matsoho a lona, sebakeng sefe feela. Hantle mona, ke hantle, phahamisa matsoho a hao. Le a dumela? Ha ba sa bokanya hammoho, na le dumela Hona, hore Ke yena maobane, le ka ho sa feleng? Ke ba bakae? Bonang baruti bana; na Lengolo ha le bolele kajeno, baena, ke Yena Moprista a Moholo ya ke keng a sitwa ho angwa ke maikutlo a rona? Na ho jwalo? Ke ba bakae ba dumelang hono, phahamisa letsoho la hao? Ke Moprista a Moholo ya ke keng a sitwa ho angwa ke maikutlo a rona.

<sup>108</sup> Jwale he ha Bibebe e re, “Ke Yena maobane, le ka ho sa feleng,” ke ba bakae ba dumelang hoo? Jwale O ne a tla itshwara jwang kajeno? O ne a lokela ho itshwara jwaloka ha ha A sebeditse maobane. Na ho jwalo? Bosiung boo O ho kae? O dutse letsohong le letona la Boholo, mmele wa Hae; Moya o Halalelang o teng ka mohahong, ho etsa hore A tsebahale.

<sup>109</sup> Hlokamelang, jwale bonang. Ho ne ho etsahaleng ha motho a ne a ama kobo ya Hae morao mane, mosadi tsatsi le leng? O na hloka setlankana sa ho rapellwa, re ka rialo, empa a ama kobo ya Hae. Mme yareha a ama kobo ya Hae, Jesu a reteleha le ho re, “Ke mang ya Nkamileng?”

<sup>110</sup> Petrose a Mo kgalema, mme a re, “Kgele, Morena, taba eo batla e sa etse kelello. Kgele, motho e mong le e mong o leka ho O ama. O ka rialo jwang, ‘Ke mang ya Nkamileng?’”

<sup>111</sup> A re, “Empa Ke utlwile ke fokola.” Ke ba bakae ba tsebang hoo? *Molemo*, [“Virtue”—Moft.] ho bolelang “matla” a tswile ho Yena. “Ke ile ka fokola, motho e mong o Nkamile ka kamo ya mofuta o fapaneng.” Mme A reteleha ho hlahloba letshweleng ho fihlela A fumane teng kanale eo ya tumelo.

<sup>112</sup> Motho e mong e mong o ne a bea matsoho a hae hodima Hae hohle, “O Moruti, re a O dumela,” le tsena tsohle.

<sup>113</sup> Empa ho ne ho ena le motho e mong ya neng a E dumela ruri. Mme a ama kobo ya Hae le ho dumela hore o phekotswe, hoba a itse pelong ya hae ha a ka etsa ketso eo ke sona se neng se tla etsahala.

<sup>114</sup> A reteleha le ho hlahloba letshweleng ho fihlela A mo fumane, mme A re... ho mmolella ha phallo ya hae ya madi e kgaoditse mme o phekotswe. Na ho nepahetse? Jwale, ke kamoo A e sebeditseng, letshweleng la batho.

<sup>115</sup> Jwale, ke bolela hore ha A shwa, O sa phela hantle feela kajeno jwaloka ha A entse le ka mohla. Mme Bibebe e boletse, Jesu o boletse ka boYena, “Jwaloka mehleng ya Sodoma, ho tla ba jwalo ho tleng ha Mora motho.”

<sup>116</sup> Jwale, shebang, ho sa natse mofuta wa neo oo Modimo a o hlahisitseng hodimo mona, ho tshwanetse ho ba le e mong tlase mane, hape, ho arabelana le yona. O ne a kene motseng, Bibebe e boletse, “Mesebetsi e mengata A sitwa ho e etsa ka baka la ho se dumele ha bona.” Na ho nepahetse? Ke ntho e tshwanang le kajeno. Le tshwanetse ho Mo dumela. Le tshwanetse feela ho Mo dumela. Ke ona feela mokgwa oo le ka kgonang.

<sup>117</sup> Na mola wa ho rapellwa o lokile? Jwale, motho e mong le e mong a be tshabong ka metsotso e ka bang leshome feela. Ha ke tsebe hore ke tla qeta mono, ke na le ba ka bang mashome a mabedi le metso e mehlano kapa mashome a mararo ba emeng mono. Empa jwale, moleng wa ho rapellwa, e mong le e mong wa lona mona moleng wa ho rapellwa ya tsebang hore ke osele ho yena, mme ha ke tsebe letho ka wena, phahamisa letsoho la hao. E mong le e mong moleng wa ho rapellwa.

<sup>118</sup> Jwale ntle mono letshweleng, ya tsebang hore ha ke tsebe letho ka yena, phahamisa letsoho la hao. Le a bona? Jwale, jwale, seo ke lekang ho se bolela ke sena, motswalle, o a bona. Jwale, ke ena moo e leng teng. Baruti bana bohle ba leng hodimo mona kalaneng... Mme Kreste o entse tshepiso ena. Le a bona, e ngotswe. E ne e tlamehile ho phethahala neneng? Matsatsing a ho qetela, pejana feela ho ho Tla ha Morena. Na ho nepahetse? E ne e tla phethahala nakong eo.

<sup>119</sup> Jwale, leo ke Lentswe le porofetetsweng kajeno. E seng lesedi la Luthere; e seng lesedi la Wesele; e seng lesedi la Pentekosta le hona. Le tswetswe pejana tseleng jwale. Jwale, Luthere o itoketse; Methodise e itoketse; Baptise e itoketse; tseo tsohle, Pentekosta, e lokile. Ho na le mefuta yohle e dutseng mona bosius bona. Ha se—ha se—ha se batho ka bonngwe. Ho ka thweng hola...

<sup>120</sup> Le ka mohla o ne o ke ke wa bolella moMethodise le letho kaha Luthere, hoba o dumela kgalaletsong mme Luthere ha a e dumele. Le a bona?

<sup>121</sup> Ha o ke o bolella moPentekosta hore “kgalaletso ke qetello ya yona,” o bone kgutlisetso ya dineo. A ke ke a dumela hono. Tjhe, o na le ho fetisang hoo ka bongata. Le a bona? Mme oo ke mongwaha wa ho qetela wa phuthetho oo re bileng le wona, mme Bibele e bolela hore ho ke ke ha hlola ho eba le mengwaha ya kereke.

<sup>122</sup> Empa ho loketse ho tla kopano ya batho, le a bona, mme ke rona bana. Jwale, hopolang, pontsho ya ho qetela. Na rona batho re lebeletse mora wa tshepiso? Phahamisa letsoho la hao. Na le dumela hore le Peo ya Abrahama ka ho beng ka ho Kreste? Phahamisa letsoho la hao. Jwale he, Peo ya Abrahama, amohelang pontsho ya lona! Ha e ka ntle kwana Babilona, ha e ka ntle ka kwana lefatsheng la mekgatlo ya dikereke. E mona pakeng tsa lona, bao ba seng hara ditshila tseo ka ntle moo. E dumeleng!

<sup>123</sup> Mosadi ke enwa, ke o sele ka ho phethahala ho nna, mohlomong re dithaka dilemong tse lekanang. Ha ke eso ho bone mosadi eo bophelong ba ka. Ha ne nka kgonna ho fodisa mosadi eo ke ne ke tla ho etsa, haeba a kula. Ha ke tsebe letho ka yena. Na le mmone ha a phahamisa letsoho la hae metsotsong e mmalwa ya ho feta. Ha ke—ha ke eso mmone. Ke mosadi feela ya emeng mono.

<sup>124</sup> Kajeno ba theohetse mona mme ba tlisa seholpha sa ditlankana tsa ho rapellwa, ho di lobokanya le ho di abela batho. E mong o fumane sa palo ya pele mona, le palo ya leshome morao mane, palo ya leshome le metso e mehlano, palo ya bosupa, palo...ka tsela eo feela. Tsohle di a lobokangwa, hantle ka pela lona, tsatsi le leng le le leng. Mme ha di bitswa di bitswa ho hlaha hohle. Le a bona? Mme, jwale, ha o a tlameha le ho ba le setlankana sa ho rapellwa, dula feela mono mme o dumele. Hobaneng ho sa...

<sup>125</sup> Itayeng, bosius bona, fumanang hora eo re phelang ho yona. Le a bona? Jwale, ho se ho batla ho fedile, le hona, motswalle. Ho batla ho se ho fedile!

<sup>126</sup> Jwale, ha Modimo wa Abrahama o tsositse Jesu Kreste bafung, mme Jesu eo a tshepisitse hore matsatsing a qetelo dipontsho tsona tseo Abrahama...tseo Lengeloi (leo e neng e le Modimo nameng ya motho) le di entseng ka pela Abrahama, pejana feela mora wa tshepiso a fihla, Jesu o boletse hore e ntho tshwanang e tla etsahala kajeno.

<sup>127</sup> Jwale, re bona di-atomo le mekgatlo ya dikereke, mme tseo tsohle, le ditshila tseo ba leng ka hara tsona. Re bona Billy Graham tlase mane, le Oral Roberts, le batho bao ntle mono; moromuwa ho Pentekosta le moromuwa ho mekgatlo ya diphuthetho tsa maipolelo tlase mono, re bona tseo tsohle di hlaha, ho ntsheletsa pontsho pele. Billy Graham, moithuti wa

bodumedi wa makoma, seo mekgatlo ya phutheho e dumelang ho sona. Oral Roberts, mofodisi wa makoma, hantle feela seo Pentekosta.

<sup>128</sup> Empa shebang mona, ho na le ho hong hape ho tshepisitsweng Peo ya Abrahama. Ba tlase hara mekgatlo eo ya diphutheho; ho na le ntho e leng ka *ntle* ho mekgatlo ya diphutheho e tshwanetseng ho etsahala, e bokanyetsang batho. Re tla tlohela taba eo e fete ho fihlela hosane bosiu.

<sup>129</sup> Hlokamelang, ha ke tsebe mosadi yane. Ke tla mo furalla! Ha Morena Modimo a ka bua se seng ho mosadi eo, mohlomong ke—ke taba ya lelapa, mohlomong ke mabapi le tjhelete, mohlomong ke bolwetse; ha ke tsebe. O tla tseba hore ke nneta kapa tjhe.

<sup>130</sup> Ha A ka etsa ntho e tshwanang bosius bona le eo A e entseng mohlang oo, na o tla dumela Modimo eo Jesu Kreste a tshepisitseng hore o tla ba teng mona matsatsing a qetelo? Ke ba bakae ba dumelang hore re phela ka ho tshwana papisong ya Sodoma, e leng nakong eo lefatshe le keneng maemong a Bosodoma? Ke ba bakae ba lona ba dumelang hore seo ke le boleletseng sona bosius bona ke Nneta? Jwale he, bana lona le Peo ya Abrahama, dumelang ho Modimo!

<sup>131</sup> Jwale, ho tlosa kelellong ya hao hore ke leka ho bua ho hong ho mosadi, ho mo sheba sefahlehong, leha e le ho fumana dintho tsohle ka ho bala mohopolo kapa eng feela eo o batlang ho e tseba. Motho ofe kapa ofe ya tsebang ka ho balwa ha mohopolo o loketse ho ba le kelelllo e fetisang moo. Le a bona? Le a bona? Na le kile la bona mmadi wa mehopolo a rera Evangedi? Na le kile la bona moloi a rera Evangedi, a etsa mehlolo le meeka, ho tumisa ha Jesu Kreste a sa tshwana? Tjhe.

<sup>132</sup> Le a bona, ke feela...ke kelelllo ya batho. Le a bona, ba foufetse. Na le dumela hore ba ka foufala? Bibele e boletse ha ba tla ba ka tsela eo. Na ho nepahetse? “Bahlalefi, baithati, ba ratang menate ya nama ho feta ho Modimo, ba se nang ho tshepeha, ba etseletsang ba bang, ba sa kgoneng ho itshwara, ba hloyang ba molemo, ba nang le sebopheho sa borapedi, empa e le ba latotseng Matla a jona.”

<sup>133</sup> Na Jesu ha a bolela, ho Mohal. Matheu 24:24, hore, “Meya e mebedi matsatsing a qetelo e ka thetsa le bona Bakgethwa, hola ke ntho e ka etswang.”? Empa ha se ntho e ka etswang. Ba ne ba le mehopolong wa Modimo tshimolohong, mme ba bao ke karolo ya Modimo.

<sup>134</sup> Jwale, Modimo wa Abrahama, Isaka, le Jakobo, ho ke ho tsejwe bosius bona hore ke bolela Nneta ka Wena. Ke Wena, Morena. Ka boikokobetso dumella hle hore bahlanka ba Hao ba kgone ho tlosa mehopolo ya bona tseleng, O tle o kgone ho sebedisa mebele ya rona bakeng sa Kganya ya Hao. Lebitsong la Jesu, Mora Modimo. Amen.

<sup>135</sup> Neo ke eng? E seng ntho eo o ka e tshwarang mme wa ratha le ho phethola. Tjhe, tjhe. Ke ho tseba mokgwa wa ho itlosa tseleng hore Modimo a tle a o sebedise. Neo ke ho itlosa feela, Modimo a ntano o sebedisa.

<sup>136</sup> Mosadi ya ka mora ka o tla shwa hang-hang ha a sa phekolwe. Mosadi ya ka mora ka o sa tswa rapellwa ke monna e mong, nakwaneng ya ho feta. O na le mofetshe. Mofetshe o letsweleng la hae hape le matshwafong a hae. Mme o sa tswa rapellwa haufinyane, mme o leka ho e amohela ka tumelo hore o fodile. Hoo ke HO RIALO MORENA! Na hoo ho nepahetse, mofumahadi? [Mosadi o re, “E, ehlide ke nnete.”—Mong.] Haeba e le yona, tsokela—tsokela letshwele letsoho la hao. Modimo wa Abrahama o sa phela! Ho lokile, tsamaya o dumele seo o se dumelang mme o tla phekolwa. Amen.

Le a dumela? O ka re, “Ho ka thweng ka letshwele?”

<sup>137</sup> Mosadi enwa ya dutseng mona ka... qetellong ya mola, mosadi wa bobedi hantle mane. Eitse ha ke retelehela mono hantle feela ka bona ntho e nngwe, ntho e thatetse sephaka sa hae, pompo ya kgatello ya madi. O na le kgatello e hodimo ya madi. Na ho nepahetse, mofumahadi? Phahamisa letsoho la hao. Ha o dumela, kgatello ya hao ya madi e tla kokobela. Modimo wa Abrahama o sa le teng mabaleng. O seo a neng a le sona, Lentswe la Modimo bakeng sa letsatsi lena!

<sup>138</sup> O phela jwang? O a dumela jwale? Eba le tumelo ho Modimo! O shebahala o sa le ngwana. Modimo o tseba pelo ya hao, morwetsana, ha ke tsebe. Na o dumela ha Modimo o kgona ho ntshenolela ho phoso ke eng? Na o tla Mo dumela ha nka kgona? Ha se bakeng sa hao, ke bakeng sa motho e mong o sele, ke moena hao. O mobe haholo homme o motseng o ka leboya mona, Tulare. Mme o kokelong, mme o na le kankere ya madi [leukemia—Moft.], mme dingaka di mo teletse ho shwa. Ha ho tshepo tsa letho ho hang. Ho nepahetse. Na o a dumela? [Mofumahadi a ntsa lla, o a arabela, “E.”—Mong.] Ke hantle. O tshwere’ng letsohong la hao? Nka hono mme o ho bee hodima hae. Mme o se ke wa belaela. Dumela! Amen.

<sup>139</sup> Na o a dumela? Ha ke eso ho bone mosadi bophelong ba ka. Modimo o sa dutse e le Modimo! Jwale le mpolella ha motho a ka etsa hoo? Ha se taba e bokgoning ba motho ho e etsa. Ke Modimo oo Jesu Kreste a tshepisitseng ho ba mona matsatsing a qetelo le ho iponahatsa ka boYena (feela ka pela Peo ya Abrahama) jwaloka matsatsing a Sodoma.

<sup>140</sup> Jwale mona, ha ke tsebe mofumahadi, ha re tsebane, ke a kgolwa ke kopano ya rona ya pele bophelong. Na o dumela ke mohlanka wa Hae? O dumela ha see e le Lentswe? Mme o a tseba haeba... Lentswe lena e sale moahlodi wa maikutlo le mehopolo ya pelo. Na ho jwalo? Lentswe ke Mofodisi, hape, ha o ka E dumela. O etsa jwalo? O na le seriti, le wena, ka seriti se

lefifi. Ke mofetshe. Mme o dumela Modimo a ka mpolella moo mofetshe o leng teng? O mpeng tlasana ho latela polelo ya ngaka. O a dumela jwale o tla phekolwa? Tsamaya jwale o se belaele ho hang, mme Modimo o tla o fodisa. Amen!

<sup>141</sup> Motho e mong le e mong o a dumela? Ke hantle feela seo A tshepisitseng ho se etsa! Ebang le tumelo ho Modimo, se belaeleng.

<sup>142</sup> Ha re tsebane. Ha ke o tsebe. Ha re sa tsebane, a letshwele le tsebe taba eo, re phahamisa matsoho a rona. Ha ke eso bone mosadi bophelong ba ka.

<sup>143</sup> Ntle mono le a dumela? Le a dumela ke Jesu Kreste? Ke eng? Ke Lentswe la Hae. Ha batho bana ba Le hana, ha ba nyedise motho, ba nyedisa Lentswe. Ke Lentswe le neng le le ka ntle, homme Le sa kgone ho kgutlela kahare.

<sup>144</sup> Jwale, mofumahadi ke o sele ho nna. Ha ke eso ho mmone bophelong ba ka. Modimo ke Mofodisi. Mohlomong ha se bakeng sa phodiso, ekaba bakeng sa ho hong ho sele, empa ha Modimo a ka ntthalosetsa bothata ba hao ke bofe, na o tla ntumela? Ntho ya pele eo o batlang thapelo ka yona, ke, o na le tsebe e mpe. E nngwe ya ditsebe tsa hao, ha o kgone ho utlwa ka yona. Ho nepahetse. Ke nnete. Mme hape o na le tlwaelo, mme o batla ho fedisa tlwaelo eo, ke ho tsuba disakrete. Kenya monwana wa hao ka tsebeng ya hao e lokileng, ke hantle, tsebe ya hao e lokileng. Ho lokile. Jwale dumela Modimo mme o kene leetong la hao, mme o se... mme o ke ke wa hlola o tsuba disakreste tse ding le hona ha o ka dumela. Tsamaya, mme Morena a o hlohonolofatse.

Le bona se etsahetseng? Na ha A teng ruri?

<sup>145</sup> Ha ke o tsebe, ha re tsebane. Ha ke eso ho bone bophelong ba ka, empa Modimo o a o tseba. Ha Modimo a ka mpolella taba e nngwe ka wena, na o tla dumela?

<sup>146</sup> Na letshwele lohle le tla dumela? Ho na le motho ya tsebang mosadi ntle mono? Ho na le motho ya tsebang mosadi letshweleng ntle moo? Ho lokile, o tseba ha hona e le nnete kapa tjhe. Hona ho tlamehile ho e lokisa, hona ho tshwanetse ho bolela nnete.

<sup>147</sup> Jwale le bona se etsahetseng feela metsotswaneng ya ho qetela e mmalwa, le a bona, taba feela ke hore ke a thekesela, le a bona, ntho e nngwe le e nngwe e a rothofala ho nna. Le a bona, Ke temoho ya meya. Le a bona, Ke Moya o Halalelang, ha se nna. Ke Lentswe le tshepisitsweng letsatsi lena! Ha e-so ho ka e etsahala ho tloha matsatsing a baapostola, ha eso ka e etsahala. Empa ho na le moo ho boletseng, "Nakong eo pejana feela ho ho tla ha Mora motho. Jwaloka mehleng ya Lota, ho tla ba jwalo matsatsing a ho tla ha Mora motho." Bahetene ha ba E dumele, ha ho a lebellwa hore ba ka E dumela. Empa badumedi ba E dumela!

<sup>148</sup> Jwale, ha Moya o Halalelang o ka senola sena, ke ba bakae ba tla dumela ka pelo tsa bona tshole, na le ka phahamisa matsoho?

<sup>149</sup> O na le tshenyehelo e itseng. O bile kotsing ya koloi, e tswenyeditse masapo ['vertebraes'-Moft.] a itseng molaleng wa hao. Hape o na le phiylo e itseng e hulehileng e lokotsehang. Ho nepahetse, ha ho jwalo? O a dumela? O tla itokela. Rorisa Morena.

<sup>150</sup> O a dumela Modimo o phekola lefu la phiylo? Tsamaya he o amohele phodiso ya hao.

<sup>151</sup> Tloo, mofumahadi. Sheba nqeng ena. O a dumela Modimo o fodisa lefu la pelo? Ho lokile, kena leetong la hao mme o dumele, mme pelo ya hao e tla loka.

<sup>152</sup> Tloo mona. O a dumela Modimo a ka fodisa mokokotlo wa hao, ho o phekola? Tsamaya o e dumele he.

Dumelang Modimo feela, ke phetho seo le tshwanetseng ho se etsa!

<sup>153</sup> Tloo, mofumahadi. O a dumela Modimo o fodisa bothata ba mala? Tsamaya, o je dijo tsa hao tsa mantsiboya, dumela ka pelo yohle ya hao.

<sup>154</sup> Tloo. O a dumela Modimo a ka fodisa ramatiki? Tsamaya he, dumela, mme o etse... mme Modimo o tla o phekola.

<sup>155</sup> Ho lokile, tloo. O dumela ka pelo yohle ya hao? O a dumela? Ramatiki, hape. O a dumela Modimo a ka o phekola? Tsamaya, o E dumele, e re, "Ke a O leboha, Morena."

Ke ba bakae ba dumelang ka ntle mono? Na le a dumela?

<sup>156</sup> Mofumahadi enwa ya dutseng mona ya apereng mose o mofubedu, ya phahamisitseng letsoho la hae mona hantle, ya tshwerweng ke kgatello e hodimo ya madi. O a dumela Modimo a ka o fodisa? O a dumela? Ke hantle. Bea matsoho a hao hodima mofumahadi ya pela hao tlase mono, mme o mmolelle hore lentswe la hae le tla loka. Amen.

Ke eo he. Amen. O a dumela? Eba le tumelo!

<sup>157</sup> Monna ke enwa o dutse mona, o na le mothapo o kgaohileng [dihemoreje-Moft.]. O a dumela monghadi, ya dutseng moo hantle? E, o na le hemoreje. O dumela di tla fola?

<sup>158</sup> Mofumahadi ya pela hao o na le dihemoreje le yena, mme hape o na le bothata ba mokokotlo. O dumela Modimo o tla o fodisa? O a dumela? Phahamisa letsoho la hao mme o e amohele. Dumela.

<sup>159</sup> Mofumahadi ya pela hao o na le bothata ka meomo ya hae le ka noka ya hae. O dumela ha seo se nepahetse mofumahadi? O a dumela o tla fodiswa? Tjhe, phahamisa letsoho la hao, e re, "Ke a e amohela."

<sup>160</sup> Ho lokile, mofumahadi ya pela hae le yena o na le tshwaetso. O a dumela Modimo o tla fodisa tshwaetso, mofumahatsana ya rwetseng digalase? Phahamisa letsoho la hao, e re, "Ke a e amohela." Ho lokile, E dumele.

<sup>161</sup> Mofumahadi ya haufi le yena o na le bothata ba phiy. O a dumela Modimo o tla fodisa bothata ba phiy, mofumahadi? Ho lokile, phahamisa letssoho la hao, e amohele.

<sup>162</sup> Ngwananyana ya haufi le yena o na le kotolana mmetsong. O a dumela Modimo o tla fodisa kotolana mono? Phahamisa letssoho la hao, o e amohele.

<sup>163</sup> Ke ba bakae ba dumelang ka pelo yohle ya bona? Ha ho le jwalo emang ka maoto mme le e amohe leng. Phahamang ka pela Sefahleho sa Modimo wa Abrahama, Isaka, le wa Jakobo.

<sup>164</sup> Ka Lebitso la Morena Jesu Kreste a Moya o Halalelang o tsholohele ka hara mohaho jwale le ho phekola motho e mong le e mong ya leng ka pela Sefahleho sa Hae se Kgethehileng! 

*Modimo Ke Toloko Ya Hae Ka Boyena, Vol. 4 No. 4  
(God Is His Own Interpreter, Vol. 8 No. 6)*

Molaetsa wona o tlileng ka Moena William Marrion Branham, o rerilweng tshimolohong ka Senyesemane ka Laboraro mantsiboya, Hlakola 5, 1964, mane Kern County Fairgrounds, Bakersfield, California, U.S.A., o ntshitswe mabanteng a kgatiso a makenete mme o ngotswe o sa kgutsufatswa ka Senyesemane. Phetolelo ena ya Sesotho sa Borwa e phatlaladitswe ka 1996 ke ba ha:

VOICE OF GOD RECORDINGS  
P.O. Box 950, Jeffersonville, Indiana 47131 U.S.A.

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)